

# Tèst di SSEP

## Departamentu di ENF

Telefòn: 432-1298 òf 432-1296

Ora di ofisina: 7.30 –16.00 or

Fecha di sita.....

Ora: .....

## Tèst di S.S.E.P.

(Somato Sensibel Evoked Potential)

Ta un tèst pa midi funshonamentu di bo nèrvionan sensitivo. E trayekto di e nèrvionan akí, ta sigui kore te den bo serebro. Aki sèlnan di e nèrvio ta manda señal. Ku yudansa di un kompiuter por midi e señalnan. Durante di e tèst ta midi funshonamentu di e nèrvionan sensitivo.

## Preparashon na kas

- ▶ Promé ku e tèst bo por bebe i kome normal.
- ▶ No hunta bo kurpa ku ningun tipo di fèt manera krema òf lotion.

## Registrashon

Pa bo registrá, bo mester mèldu **mei ora promé** ku bo sita, na e bali di Registrashon den edifisio di Poli. Bo ta ranka un number i warda bo bùrt.

## Bo tin mester pa registrashon:

- ▶ Plachi di pòns di hospital
- ▶ Papelnan di seguro (karta òf karchi di garantia, òf karchi di P.P., SVB, BZV)
- ▶ Un karta di referensha di bo dòkter( neurólogo)
- ▶ Sédula, pasport òf reibeweis
- ▶ Si bo mes ta paga (= 'eigenrekening') por fabor paga di antemano na e kaha dilanti di departamentu di Emergencia.  
Bo ta haña un komprobante ku bo a registrá.  
E komprobante di pago bo ta mustra e sekretaria di ENF komo prueba ku a paga pa e saminashon.

Despues bo ta bai entrada prinsipal di hòspital i e pòrtir ta mustrabo e kaminda pa departamentu di ENF ku ta situá na promé piso.

## Preparashon pa e tèst

E laborant ta hibabo e kamber di saminashon i bo por kai sinta. Komo preparashon lo limpia e kueru di kabes ku un gasa ku alkohol. Despues lo pega ku un pasta spesial dòpinan ku wayanan fini (=‘elektroden’) na dje riba bo kueru di kabes, tras di bo garganta, na lomba, na bo man òf pia. Despues por kuminsá ku e tèst.

## E tèst

Mientras bo ta drumí riba e kama, e laborant ta stimulá e nervionan sensitivo di e parti di kurpa (brasa òf pianan) ku ta bai saminá. Esaki ta kousa un trilmentu. Pero e no ta hasi doló. Ora kaba ku e tèst ta kita e wayanan. Bo por peña bo kabei awor.

## Durashon di e tèst

mas òf ménos 60 minüt.

## Final

Bo por bai kas, skol òf trabou normal bèk. Bo ta haña resultado di e tèst serka bo neurólogo, despues ku bo a traha un sita kuné.

**Si akaso bo por hañabo strobá pa hasi e tèst, por fabor mèldu esaki di antemano na e departamentu di ENF.**

**Telefòn: 432-1296 òf 432-1298**